

绍兴文理学院 2016 年硕士研究生入学考试初试试题 (A 卷)

报考专业： 中國古典文獻學 考试科目： 中國古典文獻學
科目代码： 613

注意事项：本试题的答案必须写在规定的答题纸上，写在试题上不给分。

一、解釋下列名詞術語，三選二（每題 10 分，共 20 分）。

1. 脫文
2. 經義述聞
3. 馬王堆帛書

二、給下列文字斷句并標點（20 分）。

紹興名城記

紹興之建城始於春秋季世越大夫范蠡疆理此平易之都四達之地依山而築遂成城邑越王句踐臥薪嚐膽生聚教訓而崛起於五霸七雄之間者實肇基於斯嗣後東漢之會稽李唐之越州趙宋以降之紹興皆以此城為治所遂成一方之都會晉室東遷靖康南渡紹興于中華文明之賡揚厥功甚偉于此東南形勝山水佳處有文種獻策馬臻浚湖山陰道上或遇右軍之鵝若耶溪畔共醉秘監之酒放翁憂國沈園偏留多情之韻青藤潑墨市井競傳談諧之聞至若陽明傳心名播域外實齋論史功在學林兼容並包育後昆端賴子民激濁揚清推先生共尊魯迅紹興洵為宇內名城矣值此建城二千五百年之際市政日新物阜民殷古越重光名城增輝乃於蠡城舊址整修越王城並立此城標用志先輩篳路藍縷之功亦以寄託紹續奕世宏休再興千年丕福之宏願

三、閱讀下列三則材料，談談你對《山海經》文獻歸類的認識（30 分）。

《漢書·藝文志》

山海經十三篇國朝七卷宮宅地形二十卷相人二十四相寶劍刀二十卷相六畜三十八卷右形法六家百二十二卷形法者大舉九州之勢以立城郭室舍形人及六畜骨法之度數器物之形容以求其聲氣貴賤吉凶猶律有長短而各徵其聲非有鬼神數自然也然形與氣相首尾亦有有其形而無其氣有其氣而無其形此精微之獨異

也

《隋書·經籍志》

山海經二十三卷郭璞注水經三卷郭璞注黃圖一卷記三輔宮觀陵廟明堂辟雍郊時等事洛陽記四卷洛陽記一卷陸機撰洛陽宮殿簿一卷洛陽圖一卷晉懷州刺史楊佺期撰述征記二卷郭緣生撰西征記二卷戴延之撰婁地記一卷吳顧啓期撰風土記三卷晉平西將軍周處撰吳興記三卷山謙之撰吳郡記一卷顧夷撰京口記二卷宋太常卿劉損撰南徐州記二卷山謙之撰會稽土地記一卷朱育撰會稽記一卷賀循撰隨王入沔記六卷宋侍中沈懷文撰荊州記三卷宋臨川王侍郎盛弘之撰神壤記一卷記滎陽山水黃閔撰豫章記一卷雷次宗撰蜀王本記一卷揚雄撰三巴記一卷譙周撰珠崖傳一卷偽燕聘晉使蓋泓撰陳留風俗傳三卷圈稱撰鄴中記二卷晉國子助教陸翹撰春秋土地名三卷晉裴秀客京相璠撰衡山記一卷宋居士撰遊名山志一卷謝靈運撰聖賢冢墓記一卷李彤撰佛國記一卷沙門釋法顯撰遊行外國傳一卷沙門釋智猛撰交州以南外國傳一卷十洲記一卷東方朔撰神異經一卷東方朔撰張華注異物志一卷後漢議郎楊孚撰南州異物志一卷吳丹陽太守萬震撰蜀志一卷東京武平太守常寬撰發蒙記一卷束皙撰載物產之異地理書一百四十九卷錄一卷陸澄合山海經已來一百六十家以為此書澄本之外其舊事並多零失見存別部自行者唯四十二家今列之於上

《四庫全書提要》

山海經小說家類二提要謹案山海經十八卷晉郭璞注首有劉秀校上奏稱為伯益所作案山海經之名始見史記大宛傳司馬遷但云禹本記山海經所言怪物余不敢道而未言為何人所作列子稱大禹行而見之伯益知而名之夷堅聞而志之似乎即指此書而不言其名山海經王充論衡別通篇曰禹主行水益主記異物海外山表無所不至以所見聞作山海經趙煜吳越春秋所說亦同惟隋書經籍志云蕭何得秦圖書後又得山海經相傳夏禹所記其文稍異然似皆因列子之說推而衍之觀書中載夏后啓周文王及秦漢長沙象郡餘暨下嶺諸地名斷不作於三代以上殆周秦異聞之屬究其本旨實非黃老之言然道理山川率難考據按以耳目所及百不一真諸家並以為地理書之冠亦為未允核實定名實則小說之最古者爾乾隆四十六年正月恭校上

四、閱讀《國語·齊語》下文，請指出齊桓公時期的齊國郊內外的戶數及軍隊編制、規模（30分）。

公曰：“定民之居若何？”管子對曰：“制國以爲二十一鄉。”桓公曰：“善。”管子於是制國以爲二十一鄉：工商之鄉六；士鄉十五。公帥五鄉焉，國子帥五鄉焉，高子帥五鄉焉。參國起，案以爲三官，臣立三宰，工立三族，市立三鄉，澤立三虞，山立三衡。桓公曰：“吾欲從事於諸侯，其可乎？”管子對曰：“未可，國未安。”桓公曰：“安國若何？”管子對曰：“脩舊法，擇其善者而業用之；遂滋民，與無財，而敬百姓，則國安矣。”桓公曰：“諾。”遂脩舊法，擇其善者而業用之；遂滋民，與無財，而敬百姓。國既安矣，桓公曰：“國安矣，其可乎？”管子對曰：“未可。君若正卒伍，脩甲兵，則大國亦將正卒伍，脩甲兵，則難以速得志矣。君有攻伐之器，小國諸侯有守禦之備，則難以速得志矣。君若欲速得志於天下諸侯，則事可以隱，令可以寄政。”桓公曰：“爲之若何？”管子對曰：“作內政而寄軍令焉。”桓公曰：“善。”

管子於是制國：“五家爲軌，軌爲之長；十軌爲里，里有司；四里爲連，連爲之長；十連爲鄉，鄉有良人。五家爲軌，故五人爲伍，軌長帥之；十軌爲里，故五十人爲小戎，里有司帥之；四里爲連，故二百人爲卒，連長帥之；十連爲鄉，故二千人爲旅，鄉良人帥之；五鄉一帥，故萬人爲一軍，五鄉之帥帥之。三軍，故有中軍之鼓，有國子之鼓，有高子之鼓。春以獫狁振旅，秋以獫狁治兵。是故卒伍整於里，軍旅整於郊。內教既成，令勿使遷徙。伍之人祭祀同福，死喪同恤，禍災共之。人與人相疇，家與家相疇，世同居，少同游。故夜戰聲相聞，足以不乖；晝戰目相視，足以相識。其歡欣足以相死。居同樂，行同和，死同哀。是故守則同固，戰則同彊。君有此士也三萬人，以方行於天下，以誅無道，以屏周室。天下大國之君莫之能禦也。”

桓公曰：“定民之居若何？”管子對曰：“制鄙，三十家爲邑，邑有司；十邑爲卒，卒有卒帥；十卒爲鄉，鄉有鄉帥；三鄉爲縣，縣有縣帥；十縣爲屬，屬有大夫。五屬，故立五大夫，各使治一屬焉；立五正，各使聽一屬焉。是故正之政聽屬，牧政聽縣，下政聽鄉。”桓公曰：“各保治爾所，無或淫怠而不聽治者！”